



Broj: 0101-7569-5/18  
Sarajevo, 30. 05. 2019. godine

Na osnovu člana 70. stav (1), (3) i (6) Zakona o javnim nabavkama BiH („Službeni glasnik BiH“, broj: 39/14) i člana 62. Statuta Univerziteta u Sarajevu, nakon provedenog postupka javne nabavke putem Konkurentskog zahtjeva za dostavljanje ponuda za nabavku usluge Unapređenje integralnog informacionog sistema EMIS, na preporuku Komisije za javnu nabavku broj: 0101-7569-4/18 od 27. 05. 2019. godine, rektor Univerziteta u Sarajevu donosi sljedeću

### **O D L U K U** **o izboru najpovoljnijeg ponuđača i dodjeli ugovora**

#### **Član 1.**

Prihvata se preporuka Komisije za javnu nabavku broj: 0101-7569-4/18 od 27. 05. 2019. godine i ugovor o javnoj nabavci usluge – Unapređenje integralnog informacionog sistema EMIS se dodjeljuje ponuđaču ORBICODE doo, Emerika Bluma 15, 71000 Sarajevo, čija ukupna cijena ponude iznosi 143.000,00 KM bez PDV-a (slovima: stotinučetdesettrihiljadeKM i 00/100), iz razloga što je u otvorenom postupku dostavio ekonomski najpovoljniju ponudu u skladu sa članom 64. stav (1) tačka a) Zakona o javnim nabavkama BiH.

#### **Član 2.**

Izabrani ponuđač je dužan u roku od 3 (tri) dana od dana zaprimanja ove Odluke, na adresu Univerziteta u Sarajevu, Obala Kulina bana 7/II, 71000 Sarajevo, dostaviti originale ili ovjerene kopije dokaza traženih tačkom 13. Tenderske dokumentacije, ne starije od 3 (tri) mjeseca od dana predaje ponude, u skladu sa dostavljenom Izjavom ponuđača, s tim da datum izdavanja dokumenata ne smije biti nakon datuma podnošenja ponude.

#### **Član 3.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

#### **Obrazloženje**

Na osnovu Odluke o pokretanju postupka javne nabavke broj: 0101-7569-1/18 od 27. 12. 2018. godine, Univerzitet u Sarajevu je pokrenuo otvoreni postupak za javnu nabavku usluge – Unapređenje integralnog informacionog sistema EMIS.

Za provođenje postupka predmetne javne nabavke, Odlukom broj: 0101-7569-2/18 od 27. 12. 2018. godine, imenovana je Komisija za javnu nabavku u sastavu: predsjedavajući Elmedin Selmanović, te članovi Mersida Karačić i Azra Ramić. Za zamjenske članove imenovane su Sanel Sefer, Ćemal Suljević i Bojan Crnogorac.

Obavještenje o nabavci broj: 999-1-2-22-3-41/18 objavljeno je na Portalu javnih nabavki dana 29. 03. 2019. godine.

Istog dana na portal javnih nabavki objavljena je i Tenderska dokumentacija broj: 0101-7569-3/18.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki dana 19. 04. 2019. godine u 6:59 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli slijedeći potencijalni ponuđači: EKAPIJA doo, BAGLAMA, PROINTER ITSS DOO, ATIA DOO SARAJEVO, BBS EUROPE, LOGIT DOO, AMPLITUDO DOO, EMADO DOO SARAJEVO, PING DOO, TINGEA DOO, NGS DOO SARAJEVO, LANACO DOO, QSS DOO, OCEAN DOO, MMSCODE DOO, DYNAMICA SOFT DOO, HERTRONIC DOO, GOINFO DOO, AGILITAS DOO i ORBICODE DOO.

Iz Izvještaja o pitanjima i odgovorima u vezi sa Tenderskom dokumentacijom, preuzetog sa Portala javnih nabavki, vidljivo je da pitanja i zahtjeva za pojašnjenje tenderske dokumentacije od potencijalnih ponuđača **nije bilo**.

Na Tendersku dokumentaciju nije bilo žalbe od strane potencijalnih ponuđača.

Iz Zapisnika Komisije je vidljivo da je dana 19. 04. 2019. godine u 10:15 sati održano javno otvaranje blagovremeno dostavljenih ponuda slijedećih ponuđača:

R. br.	Naziv i sjedište ponuđača <b>UNAPREĐENJE INTEGRALNOG INFORMACIONOG SISTEMA EMIS</b>	Broj prijemnog protokola	Datum i vrijeme prijema ponude
1.	<b>NGS DOO, Vilsonovo šetalište 10, 71000 Sarajevo</b> <b>AGILITAS DOO Jadranska 8, 71000 Sarajevo (zajednička ponuda)</b>	0101-3818/19	19.4.2019. 9:20 sati
2.	<b>ORBICODE DOO Emerika Bluma 15, 71000 Sarajevo</b>	0101-3819/19	19.4.2019. 9:23 sati

Na javnom otvaranju ponuda bio je prisutan predstavnik ponuđača ORBICODE doo, Emerika Bluma 15, Sarajevo, Sanel Salkić, direktor  
Zapisnik sa otvaranja ponuda je isti dan uručen predstavniku ponuđača ORBICODE doo, Emerika Bluma 15, Sarajevo, te je poštom upućen ponuđaču NGS doo, Vilsonovo šetalište 10, 71000 Sarajevo, nosiocu zajedničke ponude sa ponuđačem AGILITAS doo, Jadranska 8, 71000 Sarajevo.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije za javnu nabavku je vidljivo da je Komisija započela svoj rad dana 19. 04. 2019. godine, a rad je završila 27. 05. 2019. godine, radi pregleda i ocjene ponuda, odnosno, da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za izvršenje predmetne usluge.

Iz Zapisnika Komisije je vidljivo da je Komisija za javnu nabavku imala nejasnoća u odnosu na ponudenu cijenu ponuđača NGS doo, Vilsonovo šetalište 10, Sarajevo i AGILITAS DOO, Jadranska 8, Sarajevo, te je dana 10. 05. 2019. godine, a shodno odredbi člana 66. ZJN, upućen zahtjev za pojašnjenje ponudene cijene ponuđaču NGS doo, Vilsonovo šetalište 10, Sarajevo:

„U postupku javne nabavke usluge Unapređenje integralnog informacionog sistema EMIS, imenovana Komisija za provođenje postupka ove javne nabavke je utvrdila da je cijena iskazana u Ponudi br. PON-001-19 od 19. 04. 2019. godine – zajednička ponuda ponuđača NGS DOO Vilsonovo šetalište 10, Sarajevo i AGILITAS DOO Jadranska 8, Sarajevo, manja za više od 20% od drugorangirane ponude ponuđača ORBICODE DOO Emerika Bluma 15, Sarajevo. S tim u vezi, a shodno odredbi člana 66. Zakona o javnim nabavkama BiH i člana 17. stav (7) tačka b)

Uputstva za pripremu modela tenderske dokumentacije ponuda, molimo pojašnjenje ponuđene cijene, kao i obrazloženje ponuđenog roka izvršenja u trajanju od 1 (jednog) dana, kao jednog od podkriterija za ocjenjivanje ponuda u skladu sa kriterijem ekonomski najpovoljnija ponuda. Traženo pojašnjenje je potrebno da nam dostavite najkasnije do srijede, 15. 05. 2019. godine, putem maila [azraz@unsa.ba](mailto:azraz@unsa.ba), uz obavezu dostave istog i putem Pisarnice Univerziteta u Sarajevu. »

Dana 14. 05. 2019. godine, putem e-maila, a 15. 05. 2019. godine i putem Pisarnice Univerziteta u Sarajevu, ponuđač NGS doo, Vilsonovo šetalište 10, Sarajevo (sa AGILITAS doo, Jadranska 8, Sarajevo), je dostavio odgovor broj: 201905/002, kako slijedi:

« U skladu sa gore traženim pojašnjenjem izjavljujemo da cijena i ostali uslovi iz podkriterija za ocjenjivanje ponude koji su navedeni u zajedničkoj Ponudi br. PON-001-19 od 19. 04. 2019. godine (u nastavku Ponuda), kao ponuđači NGS d.o.o. sa adresom Vilsonovo šetalište br.10 iz Sarajeva i Agilitas d.o.o. sa adresom Jadranska br.8 iz Sarajeva, koji su aplicirali za postupak javne nabavke usluge Unapređenje integralnog informacionog sistema EMIS, temelje se na bazi ekonomičnosti pruženih usluga, tehničkim pogodnostima koje možemo pružiti kao ponuđači za predmetu nabavku, originalnosti usluge i usklađenosti s važećim odredbama koji se odnose na zaštitu i uslove rada.

S tim u vezi u nastavku vam dostavljamo naše razloge za određivanje cijene i ostalih uslova koji su dati u Ponudi :

Kao izvođači želimo i težimo da dobijemo novog klijenta na teritoriji Bosne i Hercegovine, doprinoseći što kvalitetnijoj digitalizaciji na projektu od društvenog značaja ;

Zelimo da kroz ugovorni period pokažemo i dokažemo svoju stručnost i profesionalnost ;

Implementacijom na ovom projektu povećati ćemo vlastiti prihod u iznosu od 99.000,00 KM ;

Obje organizacije su u skladu sa važećim zakonima razvrstana kao mala preduzeća i s tim u vezi troškovi poslovanja za nas nisu veliki što nas čini efektivnim i efikasnim organizacijama ;

U prethodnom periodu kao jedan od naših strateški proizvoda se ističe razvoj i implementacija vlastitog softverskog rješenja u domenu digitalizacije obrazovanja, poštivajući između ostalog i važeće zakone entiteta i kantona u BiH iz domena obrazovanja, a koji su uslov i osnova koja se traži u Tenderskoj dokumentaciji u dijelu Tehnička specifikacija ;

Razvijajući vlastite custom-made proizvode, i uz rad na proizvodu iz domena digitalizacije obrazovanja posjedujemo dugogodišnje iskustvo, domensko znanje, tehničku stručnost i kapacitete da posao obavimo u skladu sa uslovima iz Ponude poštivajući zahtjeve iz tačke 4.1.1. i 4.2. definirane u Tehničkoj specifikaciji.

U skladu sa gore navedenim vodili smo se objektivnim razlozima za formiranje cijene i uslova iz Ponude, a isti se odnose na poslove i troškove integracije vlastitih gotovih komponenti sa trenutnim sistemom u skladu sa zahtjevima iz Tehničke specifikacije, prijenos prava nad ažuriranim izvornim kodom integriranih komponenti sa Izvođača na naručioca posla u skladu sa tačkom 7. Tehničke specifikacije i ostali preostali poslove iz Tehničke specifikacije. »

Uvidom u dostavljeno pojašnjenje ponuđača NGS doo, Vilsonovo šetalište 10, Sarajevo i AGILITAS doo, Jadranska 8, Sarajevo, Komisija je utvrdila slijedeće :

Ponuđači su pojasnili cijenu ponude, ali se nisu osvrnuli na rok izvršenja usluge koji je određen u trajanju **od jednog dana**. Komisija smatra da nije moguće realizirati sve tražene zahtjeve u okviru 24 sata.

U tački 4.2. Projektnog zadatka – podnaslov: Specifične aktivnosti, naveden je niz aktivnosti koje je potrebno provesti prilikom uspostave sistema od kojih su mnoge vremenski zahtjevne i zasigurno iziskuju rad tima u trajanju od više dana odnosno sedmica. Radi ilustracije izdvajamo nekolicinu aktivnosti:

A.1.1 Organizovati pripremne sastanke sa institucijama uključenim u projekat.

A.1.3. Snimiti trenutno stanje i verificirati korisničke zahtjeve, uz zadovoljene svih funkcionalnih i nefunkcionalnih zahtjeva iz ovog Projektnog zadatka.

A.2.1. Isporučiti, instalirati i podesiti novu verziju sistema u skladu sa tehničkom specifikacijom i isporučiti i instalirati sav potrebni sistemski software-a (RDBMS i tome slično), sa svim pripadajućim sistemskim licencama (serverske i klijentske) neophodnim za instalaciju i funkcionisanje sistema, te integrirati sve sa postojećom infrastrukturom.

A.2.2. Izraditi sistem u skladu sa odobrenim dizajnom. U tu svrhu održati po jednu tematsku radionicu za do 20 učesnika.

A.2.5. Migrirati podatke i dokumente sa postojećeg sistema na novi sistem, odnosno unijeti sve podatke bez izuzetka.

A.3.1. Izraditi plan obuke.

A.3.4. Obučiti korisnike. Planom predvidjeti praktičnu obuku za minimum 1000 polaznika.

A.3.5. Održati tehničku i administratorsku obuku tima Naručioaca koja uključuje obuku potpunog instaliranja, pokretanja, pravljenja rezervne kopije (back-up) i vraćanja u prethodno stanje (restore) kompletnog sistema.

Iako je nabavkom predviđen period podrške i podešavanja sistema, iznad navedene aktivnosti ne podpadaju pod ovu kategoriju.

U tački 4.3.1 Projektnog zadatka – podnaslov: Struktura i metodologija upravljanja projektom, navedeno je da će se koristiti Scrum metodologija razvoja softvera i planirana su minimalno 2 sprint-a koji prema navedenoj metodologiji se sastoje od niza dodatnih aktivnosti (sprint planning, stand-up meeting, review meeting i retrospective meeting). Sprintovi prema metodologiji trebaju trajati minimalno **sedam dana**.

U tački 6.2 Projektnog zadatka – podnaslov: Osnovni izvještaji, naveden je niz izvještaja koje je potrebno podnositi tokom razvoja i to početni izvještaj, periodični izvještaj i finalni izvještaj. U specifikaciji je navedeno da se nacrt finalnog izvještaj podnosi Naručiocu u roku od pet dana prije isteka perioda ustanovljenog za izvršenje ugovora, a konačni finalni izvještaj se podnosi odmah po završetku projektnih aktivnosti. U tehničkoj specifikaciji je definisan sadržaj izvještaja koji je veoma obiman.

Shodno navedenom i na osnovu ponude ponuđača NGS doo, Vilsonovo šetalište 10, Sarajevo i AGILITAS doo, Jadranska 8, Sarajevo, može se zaključiti da, pored niza drugih aktivnosti definisanih u Projektnom zadatku, u ponuđenom roku koji iznosi **jedan dan**, ovi ponuđači žele snimiti trenutno stanje i prikupiti korisničke zahtjeve, isporučiti, instalirati i podesiti novu verziju sistema, održati tematsku radionicu za 20 učesnika, migrirati podatke i dokumente sa postojećeg sistema, izraditi plan obuke i obučiti 1000 korisnika i obučiti tehničko i administrativno osoblje, održati dva sprinta u trajanju od vjerovatno 12 sati, te isporučiti obiman finalni izvještaj i to sve za sistem koji se sastoji od 7 kompleksnih modula i koji ima preko 30000 aktivnih korisnika.

Komisija smatra da ponuđači NGS doo, Vilsonovo šetalište 10, Sarajevo i AGILITAS doo, Jadranska 8, Sarajevo, shodno odredbi člana 66. stav (1) nisu dostavili osnovano obrazloženje cijene, a rok izvršenja usluge, kao jedan od podkriterija za vrednovanje ponuda u skladu sa kriterijem ekonomski najpovoljnije ponuda nisu obrazložili, zbog čega je ponuda ovih ponuđača u daljem postupku ocjene i izbora najpovoljnije ponude, odbačena.

Iz Zapisnika Komisije je vidljivo da je Komisija ponudu ponuđača ORBICODE d.o.o, Emerika Bluma 15, 71000 Sarajevo, ocijenila kao prihvatljivu, odnosno tehnički zadovoljavajuću, s obzirom da je ispunio sve uslove za učešće propisane članom 45. do 50. Zakona o javnim nabavkama, te sve minimalne uslove koji su utvrđeni Tenderskom dokumentacijom.

Iz Zapisnika Komisije za javnu nabavku je vidljivo da je Komisija provjerila računsku ispravnost dostavljene ponude i utvrdila da u ponudi ponuđača ORBICODE d.o.o, Emerika Bluma 1571000 Sarajevo, nije bilo računskih grešaka.

Komisija za javnu nabavku je, prema kriteriju ekonomski najpovoljnija ponuda, sačinila rang listu:

Redni broj na rang listi	Naziv i sjedište ponuđača	Podkriteriji koji se vrednuju unutar kriterija ekonomski najpovoljnija ponuda
1.	<b>ORBICODE doo, Emerika Bluma 15, 71000 Sarajevo</b>	<b>1. Cijena bez PDV-a 143.000,00 KM 2. Rok izvršenja 17 dana</b>

Komisija za javnu nabavku je dala preporuku rektoru da za nabavku usluge: Unapređenje integralnog informacionog sistema EMIS, donese odluka o izboru najpovoljnijeg ponuđača i dodijeli ugovor ponuđaču ORBICODE d.o.o, Emerika Bluma 15, 71000 Sarajevo, čija ponuda je u skladu sa kriterijem ekonomski najpovoljnija ponuda, ocijenjena kao najpovoljnija sa ukupnom cijenom ponude od 143.000,00 bez PDV-a (slovima: stotinučetrestrihiljadeKM i 00/100).

Iz gore navedenih razloga, primjenom člana 64. stav (1) tačka a) Zakona o javnim nabavkama BiH, prihvaćen je prijedlog Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

REKTOR

Prof. dr. Rifat Škrijelj



Dostaviti:

- ORBICODE Group d.o.o. Sarajevo
- NGS doo Sarajevo i Agilitas doo Sarajevo
- Prorektor za finansije
- Služba za računovodstvo i finansije
- Generalni sekretar
- Služba za javne nabavke
- web stranica UNSA
- a/a

#### **Prilog:**

-Zapisnik o pregledu i ocjeni ponuda

Univerzitet u Sarajevu – Obala Kulina bana 7/II, 71000 Sarajevo – Bosna i Hercegovina  
Telefon: ++387(33)226-378; ++387(33)668-250 - fax: ++387(33)226-379

<http://www.unsa.ba>  
email: [javnost@unsa.ba](mailto:javnost@unsa.ba)